

漢書門  
 三六〇八  
 二〇八  
 一〇〇  
 類號函架冊

內閣文庫  
 漢書  
 三六〇八  
 二〇八  
 一〇〇  
 類號冊架函

內閣文庫	
番號	漢 12608
冊數	160 ( 83 )
函號	300 211


九十七






Seal impression (square)

Faint vertical text columns, likely bleed-through from the reverse side of the page.







重校聖濟總錄卷九十七

震澤汪鳴珂瑤圃全弟鳴鳳蘭圃校

程 勛懋哉校訂

大小便門

大便秘澀

大便不通

結陰

大便秘澀

論曰大便秘澀其證皆榮衛不調陰陽之氣相持也若風氣壅滯腸胃乾澀是謂風秘胃蘊客熱口糜體黃是謂熱秘下焦虛冷窘迫後重是謂冷秘



或因病後重亡津液或老弱血氣不足是謂虛秘  
或腎虛小便過多或大腸枯竭渴而多秘者亡津液  
也或胃實燥結時時作寒熱者中有宿食也治法  
須宜和順陰陽然疎風散滯去熱除冷導引補之  
法不可偏廢當審其證以治之

木香丸方 治大腸秘澀疎風順氣

木香 檳榔 羌活 桂心 陳橘皮 湯浸去白

各一兩 大黃 濕紙裹煨二兩 牽牛子 用半斤取末四兩

共為末鍊蜜和丸如梧桐子大每服十五丸以

生薑紫蘇湯下加至二十丸

勻氣丸方 治津液燥小腸胃挾風大便秘澀氣

道不勻

麻仁 別研二兩 人參 訶梨勒皮 枳殼 去瓢麩炒 桂

心 一兩 木香 兩半 郁李仁 去皮別研 白檳榔 大

黃 炙赤各三兩

將七味為末入麻仁等再研勻鍊蜜和丸如梧  
桐子大每服三十丸加至五十丸溫熱水下

牛黃丸方 治大腸風熱秘澀



牛黃

細研一分

大黃

二兩

巴豆

去心皮膜麩炒研新瓦上取霜半兩

共為末酒煮麩糊丸如棗豆大每服五丸臨臥米飲下量虛實加減

牽牛子散方

治大腸祕澀

牽牛子

半生半炒

檳榔

各半兩

為散每服三錢生薑湯調下良以熱茶投疎利為度

木香檳榔丸方

治胃氣虛弱飲食無味上膈寒

壅冷積癥癖氣食不消化肺氣積聚心胸痰逆

喘急卒中風毒脚氣大腸祕澀奔豚氣痛

木香

檳榔

羌活

芎藭

桂心

一兩

郁

李仁

去皮雙仁用

大黃

各二兩

以六味為一處不與郁李仁同研俟勻鍊蜜為丸如梧桐子大每服二十九食前生薑湯下或諸氣痛溫酒下

大豆麩方

治諸風溫痺筋攣膝痛胃中積熱口

瘡煩悶大便秘澀

大豆黃卷

炒熟搗末一升

酥

半兩



研勻不拘食前後溫水調下一匙

羚羊角丸方 治熱毒風大便秘澀及心風健忘

肝風眼暗

羚羊角 人參 羌活 苦參 防風 元

參 丹參 大黃 梔子仁 升麻 大

麻仁 龍齒 麥門冬 茯神 木

郁李仁 枳殼 黃連 天門

冬 犀角 菊花 生地黄

共二十一味擣羅十八味為末與麻仁龍齒郁

李仁膏同研令勻鍊蜜和杵丸如梧桐子大每

服空腹溫酒下二十九

地龍丸方 治風氣壅滯大腸秘澀

地龍 牽牛子 苦參 烏頭

共擣羅為末醋煮稀麩糊丸如梧桐子大每服

十五丸加至二十九空心夜臥米飲下

桃花湯方 治大便秘澀五臟風壅膈實不宣

桃花 甘遂 郁李仁 海蛤



枳實去瓢 麩炒 大黃各半 兩 陳橘皮湯浸去白炒 木香各一

共八味先擣七味為末與郁李仁和勻每服五錢七水二盞煎至一盞去滓空腹溫服良久以乾飯一匙壓之覺轉動腹內雷鳴即以此熱水洗足宣下諸惡物以糜粥助之

羚羊角飲方 治健忘多驚大便難口中生瘡

羚羊角 人參 赤茯苓 羌活 梔子仁 附子 牡丹皮 黃芩 麥門冬去心 薑

薇根皮 大黃各一兩 防己二兩 胡黃連半兩

甘草三分

共剉如麻豆大每服五錢用水二盞入生薑半分拍碎鹽豉四十粒同煎至一盞去滓更入淡竹瀝少許攪令勻食前溫服

厚朴湯方 治胃實腹脹水穀不消溺黃體熱鼻塞衄血口喎唇緊關格不通大便苦難承氣瀉

胃

厚朴生薑汁炙三分 大黃炒二兩 枳殼去瓢 麩炒 甘草各半兩



每服五錢七水一盞半煎至一盞去滓空心溫服下取利為度

大麻仁丸方 治大便秘難

大麻仁別研為膏 大黃炒各三兩 厚朴生薑汁炙二兩 枳殼去瓢

麩炒二兩

共搗三味為末與麻仁同研鍊蜜和杵令勻丸如梧桐子大每服二十九空心溫水下以利為度

雞胫骨丸方 治反胃大便難肌膚乾瘦

雞胫骨慢火炙二兩 大黃炒五兩 大麻仁研如膏四兩

搗二味為末與麻仁同研鍊蜜和杵丸如梧桐子大每服二十九食前米飲下

升麻湯方 治強壯人熱毒流入腸胃骨節疼痛腹中煩滿大便秘澀

升麻 大黃炒各四兩 前胡 梔子仁炒各三兩

每服三錢七水一盞煎至七分去滓食前溫服未通再服

京三稜丸方 治疝癖注氣刺痛大便秘澀



京三稜 煨乘熟杵碎 別研為末 木香 當歸 桂心

羌活 肉蓯蓉 酒浸 切焙 芍藥 赤芍藥 防風

牛膝 去苗 酒浸 枳殼 去瓢 麩炒 白朮 各半 兩 郁李仁 去皮

別研 如膏 檳榔 大黃 各兩 半

除郁李仁外擣為末與郁李仁膏同研令勻鍊

蜜和杵丸如梧桐子大每服二十九丸空心米飲

或溫酒下以利為度

大麻仁丸方 治三焦不和臟腑虛結胸膈痞悶 大便秘澀

大麻仁 研膏 四兩 大黃 半生半 熟四兩 白檳榔 山茱萸

兔絲子 酒浸一宿另研 車前子 桂心 羌活

山芋 枳殼 防風 各一兩 半 木香 郁李仁

去皮研 膏四兩

共研為末鍊蜜和丸如梧桐子大每服十五丸 加至二十九丸溫水下

凌霄花根丸方 治大腸虛冷風秘

凌霄花根 去皮洗 焙三兩 烏藥 人參 各半 兩 皂莢子

五十 枚



共擣為末鍊蜜為丸如菉豆大每服十九粒加至十五丸溫水下一日二服老人多患此疾服之半月漸調亦不疎利

威靈僊丸方 治大腸冷祕

威靈僊 不拘多少

擣為末鍊蜜和丸如梧桐子大每服十五丸生薑米飲下

牽牛子丸方 治氣脹滿大便祕澀腹肋刺痛

牽牛子 半生半熟三兩 檳榔 二兩 木香 一兩

擣為末鍊蜜和丸如梧桐子大每服二十九粒空心溫酒或米飲下

治裏急後重大便不快服炒桃仁方法

桃仁 去皮三兩 吳茱萸 二兩 鹽 一兩

三味同炒熟去鹽并吳茱萸止以桃仁空心夜服不拘時任意嚼五七粒至一二十粒

附子散方 治大便冷祕

附子 炮裂去皮臍

削去外面留中心如棗大研為細散蜜水調下



一錢七

葱膠湯方 治年老虛弱大便秘滯

阿膠片十 葱握一

用水二盞同煎膠烱取一盞溫服之立效

大腹湯方 治年老虛秘

連皮大腹十五枚 木瓜一枚 葱白五莖

以水五盞煎至二盞半溫分五服

平胃煮散加青橘皮方 治大病後重亡津液及

老人津液不足大便秘澀

厚朴薑汁炙 蒼朮去麁皮米泔 陳橘皮湯浸

甘草三兩

共擣為散每服三錢以水一盞半加青橘皮末

半錢生薑二片棗二枚擘煎一盞溫服

滌中丸方 治宿食不消大便秘難

大黃炒八兩 葶藶隔紙炒 杏仁去皮尖 芒硝研

四兩

共研為末鍊蜜和杵丸如梧桐子大每服五丸

至七丸食後溫水下日三未通加至十丸



大黃丸方 治脾胃不和內有蟲滯大便秘難

大黃 赤芍藥三兩 厚朴薑汁炙二兩 枳殼兩

大麻仁別研如膏五合

共搗四味爲末與麻仁同研勻鍊蜜和杵丸如

梧桐子大每服十丸至十五丸食前溫水下以

通利爲度

檳榔丸方 治大腸祕澀冷熱相攻寒熱如瘧

檳榔一兩 羌活一兩 郁李仁別研二兩 木香一兩

大黃二兩 牽牛子四兩研細取三兩 青橘皮一兩 大

麻仁別研二兩

共八味搗六味爲末入研藥令勻鍊蜜和丸如

梧桐子大每服二十丸生薑湯下

戟香散方 治大腸風祕結澀不通

大戟炒 木香 乾薑炮 陳橘皮各一兩 牽

牛子五兩取結末二兩 大黃剉微炒 羌活 芎藭各半兩

訶梨勒皮 陳麴炒各一分 桂心三分

共爲散每服三錢生薑茶清調下臨臥服

大麻仁丸方 治大腸風壅祕澀不通



大麻仁 研如泥 芎藭 一兩 附子 半兩 大黃 研  
炒二兩 甜硝 半兩

共研為末鍊蜜和丸如梧桐子大每服三十丸  
溫酒下

二仁丸方 治大腸有熱津液竭燥裏急後重大  
便秘澀


大麻仁 桃仁 各二兩

同研勻黃蠟半兩鎔汁和丸如梧桐子大每服  
二十九食前米飲下

大便不通

論曰大腸者傳導之官變化出焉由榮衛津液有  
以滋利也若夫邪熱相搏津液枯燥致糟粕內結  
而不得行故腸胃否塞而大便不通令人腰痛腹  
滿不能飲食經所謂熱結下焦則便難然又有病  
後氣血不足內亡津液或年高氣澀冷相搏者亦  
致大便難治宜詳之

枳殼湯方 治大腸壅結不通腹脅脹滿煩悶不  
下食





枳殼 甘草 各一分 大腹皮 三錢 百合 牽牛

子 赤茯苓 去黑皮 各一分 赤芍藥 桑根白皮 三分

郁李仁 陰乾 半兩

共搗篩每服五錢水一盞半煎至八分去滓空

心食前溫服以通為度

麥門冬湯方 治寒熱痰實三焦痞結溫壯煩熱

大便不通

麥門冬 去心 三分 赤茯苓 甘草 黃芩 大黃

各半 兩 赤芍藥 一兩

每服五錢七水一盞半入竹葉十片生薑一片

棗二枚劈破煎至八分去滓食前溫服日三

宣氣木香飲方 治膈氣痰涎食不消化大便不

通腹中雷鳴

木香 昆布 洗去 鹹焙 檳榔 半生 半焙 大黃

半夏 湯泡七遍洗淨 去滑炒各半兩 芎藭 甘草 一分 訶梨

勒 煨去核 三分

每服五錢水一盞半生薑一片棗一枚劈破煎

至八分去滓食後溫服



黑神丸方 治大腸祕澀不通風結

巴豆 一兩麩炒去心膜去油 乾薑 半兩 皂莢 燒令烟絕與硫黃同

研乾薑為細末與三味同研令勻用蒸餅去皮湯浸乾紙裏煨透和藥擣勻丸如梧桐子大每服三丸空心生薑湯下加至四丸

牽牛子丸方 治大便不通消除痞氣


牽牛子 生研末一兩 甘遂 半兩 木香 一兩 陳橘皮 湯浸去白 訶梨勒 煨去核 京三稜 各三分

共為末用生薑四兩取汁白蜜五兩同煎成膏和藥為劑擣五百杵丸如梧桐子大每服二十丸夜臥時煎粟米飲下未利加至三十丸

大麻仁丸方 治大便不通

大麻仁 研如膏 大黃 葛根 各一兩半 桑根白皮 苾硝 生鐵銚子內炒乾紙裏埋土內一宿各一兩一分

共五味擣三味為末與苾硝麻仁同研勻鍊蜜為劑擣熟丸如梧桐子大每服二十九空心煎粟米飲下至晚再服





赤芍藥丸方 治大便不通小腹脹滿

赤芍藥 一兩

黃芩 去黑心

大黃 剉炒

杏仁 湯浸去皮

尖雙 苾硝 生鐵銚子內炒乾紙裹埋土內一宿研各二兩

羅三味為末與硝杏同研令勻鍊蜜和丸如梧

桐子大每服十五丸食前熱水下日三加至二

十九以通為度煎粟米飲下亦可

半夏丸方 治大便不通疎風轉氣下痰

半夏

湯浸七遍麩炒一兩

牽牛子

四兩一半生一半炒

青橘皮

湯浸

去白 木通 各半兩

共為末鍊蜜和劑熟丸如梧桐子大每服四十

丸夜臥時淡生薑湯下

大黃湯方 治卒大便不通或大腸熱結風祕

大黃 剉炒

黃芩 去黑心

梔子仁

甘草 各一兩

每服四錢水一盞半煎至八分去滓下硝石半

錢再沸二沸空心溫服

甘遂散方 治大便不通

甘遂 一兩

木香 一分

共為散每服一錢溫蜜酒調下不拘時



雄黃丸方 治風熱氣壅大便不通

雄黃 研

鬱金末

各一兩

巴豆

半兩去皮心膜研如膏

生

麩 二兩

再同研細滴水和丸如梧桐子大每服二丸至三丸食後臨臥生薑湯下量虛實加減

檳榔散方 治風熱大便不通

檳榔 二枚

朴硝 研

大黃

青橘皮

各一兩

共研為散每服二錢食後臨臥葱蜜酒調下

荆芥穗散方 治大便不通

荆芥穗 一兩

大黃

二兩生用

共為散每服二錢七生薑蜜水調下

商陸煮豆方 治大便不通

商陸

乾者

大戟

炒一分

用水四盞棗十枚去核煎至一盞半下黑豆半合同煎至水盡揀出黑豆初吞三粒稍加之以

通利為度

滑石散方 治大便不通腹脹氣急妨悶

滑石

細研二分

手足指甲

剪患人自身者燒為灰研分二貼



取滑石末一貼以水一盞半煎至八分去滓調  
指甲灰一貼空心服至辰再服

粉糖丸方 治大腸壅結不通

膩粉半錢 沙糖如彈丸大一塊

同研令勻丸如梧桐子大每服五丸臨臥溫水  
下

葵酥湯方 治大腸閉澀大便不通

冬葵子二合 牛酥二兩如無以猪脂代

將葵子擣篩分四貼每貼以水一盞煎至五分

去滓下酥半兩再煎二沸食前冷服

大黃湯方 治熱結大便不通

大黃 黃芩 梔子仁 甘草各一兩

每服五錢七水一盞煎八分去滓溫服

巴豆丸方 治大便不通

巴豆十枚去皮心膜

以醋一盞煮一饋久取出爛研用飯半匙同研  
勻細丸為七十粒每服三粒空心煎粟米飲下  
良久呷熱茶湯投即通



蒴藿根汁方 治下部閉塞大便不通

蒴藿根 新者一把 擣爛

以水二盞更同研生布絞取汁分三服食前飲之強人二服

治大便不通腹脹摩臍方

杏仁 湯浸去皮尖二十粒 葱白 三莖去鬚葉細切 鹽 一分

三味同研如膏每取如酸棗大許塗摩臍上三百轉須臾即利如利不止以冷水洗手即定

治病後津液燥少大便不通腸結方

糯米 二合燒灰存性研 豬膽 一枚取汁 沙糖 少許

和研如膏內少許入下部立通

大黃湯方 治榮衛痞澀蘊熱不散腹中煩滿大便不通

大黃 梔子仁 升麻 前胡 各二兩

每服五錢七水一盞半煎至八分去滓食前溫服

皂莢散方 治大便不通

猪牙皂莢 去皮酥炙半兩 蒺藜子 炒去角一兩



為細末每服一錢鹽茶調下

大麻仁大黃丸方 治大便不通

大麻仁二兩 大黃炒五兩

研為末鍊蜜和丸如梧桐子大每服十九食後服

威靈僊丸方 治大腸風熱結澀不通

威靈僊酒浸一旦夕焙乾 大黃 牽牛子炒半熟各二兩 獨

活 芎藭 檳榔 木通各一兩

為末鍊蜜和丸如梧桐子大每服空心熱水下

十九

治卒大便不通或熱結或風祕及婦人產後大便不通等方

皂莢切去皮炙令黃熟為末 白梅肉五枚 蜜少許

將梅肉并蜜拌和皂莢如棗大以綿紙裹引內下部中須臾即通

治大便不通土瓜根內方

以生土瓜根擣汁少許水解之竹筒中傾內下部即通



元明粉散方 治大便不通

元明粉 三兩

每服三錢七將冷茶磨木香入藥傾服即通

郁李仁粥方 治大便不通

郁李仁 一兩去皮細研分二服用

用米煮薄粥一碗臨熟時下郁李仁煮三兩沸傾出空心喫便通再服一分以通利為度

治大便久不通方

取棗去核入膩粉更以棗裏煨熟勻研丸如梧

桐子大每服五丸淡薑湯下

治大便七八日不通服諸藥未效用穿腸丸方

豬膽汁 一枚

以蜜二兩煮可丸入膩粉一錢捏如中指長內下部立通

治大便七八日不通奔氣上衝豬膽瀉方

取豬膽一枚繫口頭內下部漸解開頭倒瀉入肛門須臾即通

治大便不通蜜瀉方



取白蜜二升於微火上煎令稠硬投冷水須臾取出撚丸如手指大內下部瀉之即通矣

治下部窒塞大便不通方

烏梅 五枚

內湯中漬軟取肉熟擣之丸如彈子內下部中

即利

結陰

論曰經謂結陰者便血一升再結二升三結三升夫邪在五臟則陰脈不和陰脈不和則血留之結

陰之病以陰氣內結不得外行血無所稟滲入腸間故便血也

地榆湯方 治結陰下血

地榆 四兩 甘草 半生半炙 共三兩

每用五錢七水三盞入縮砂仁三四枚同煎至一盞半去滓分溫二服

藜香子湯方 治結陰下血腹痛

藜香子 炒三兩 草烏頭 蛤粉同炒裂 去皮膚一兩

拌令勻每服三錢七水一盞入鹽少許煎至八



分去滓露至五更冷服

大效勝金丸方 治結陰便血及腸風不止

羊肉 精者去筋膜一斤半切如細菜用硫黃末摻在肉中以好醋一斤於銀石器中

浸一復時慢火煎 硫黃 酒生柑水研三日極如泥入白杵干下

葫蘆巴 萆澄茄 沉香 各半 巴戟天 去心

牛膝 補骨脂 炒 肉蓯蓉 與牛膝同用 桂

心 海桐皮 白茯苓 甘草 人參 各一兩

丁香 一分 附子 二枚 肉豆蔻 去殼三枚

共十七味除羊肉外擣羅為末以羊肉膏拌和

令勻更杵千餘下丸如梧桐子大每服二十九

空心溫酒下加至三十九

地黃煎丸方 治結陰便血

生地黃 汁 小薊 汁各一升 沙糖 一兩同上二味熬成膏 地

榆根 阿膠 炙令燥 側柏 各二兩

除以上三味外擣為末入膏中和丸如小彈子

大每服一丸水一盞煎至六分和滓溫服

阿膠芍藥湯方 治便血如小豆汁

阿膠 炙令燥 赤芍藥 當歸 各一兩 甘草 半兩



每服五錢匕水一盞半入竹葉二七片同煎至八分去滓溫服

芍藥湯方 治非時便血

赤芍藥 一兩半 桂心 三分 甘草 兩半

細判如麻豆大每服三錢匕水一盞入生薑二片錫少許同煎至七分去滓溫服

屋龍丸方 治大便下血腹內痛不可忍

屋龍尾 伏龍肝 墨 燒令烟斷 當歸 各一兩 皂莢

子仁 炒半兩

共為末麩糊丸如梧桐子大陰乾每服三十九煎生薑艾葉湯下空心食前服

立效湯方 治大便下血

瞿麥穗 一兩 甘草 三分 山梔子仁 半兩

每服五錢匕水三盞入葱根連鬚三莖劈破燈心二十莖生薑七片同煎至一盞半去滓分溫二服

神僊必效丸方 治便血無度

阿膠 二兩 當歸 焙 烏賊魚骨 去甲 白芍藥



劉寄奴 各一兩

共為末鍊蜜和丸如梧桐子大空心米飲下三十丸加至五十丸

龍骨餅子方 治臟毒便血不止

龍骨 烏賊魚骨 去甲各等分

為末每服一錢七雞子清一枚用白麩同和捏作餅子三枚煑火內煨熟細嚼溫米飲送下空心食前服

雞冠丸方 治結陰便血不止疼痛無時

雞冠花 椿根皮 各等分

共為末鍊蜜和丸如梧桐子大每服三十九濃煎黃耆湯下空心食前溫服

黑神散方 治久下血

藁本 烏頭 皂莢 酒炙去皮子 蜜陀僧 研

四味等分熨斗內用炭火燒黑取出擣羅為散每服二錢七八臙粉一筒和勻煎胡荽酒調下

石榴散方 治結陰瀉血不止

醋石榴皮 陳橘皮 湯浸去白 甘草 乾薑 炮





四味等分焙乾擣羅為散每服二錢七陳米飲調下日三服

地榆散方 治結陰瀉血

地榆 桑耳 甘草 赤芍藥各三兩 艾葉二兩

黃耆六兩 熟地黄 伏龍肝各四兩

共為細散每服二錢七米飲調下食後臨臥服

桂芎湯方 治結陰便血至二三升者

桂心 赤芍藥 芎藭 當歸 黃芩各一兩

甘草半兩

每服三錢水一盞入竹茹彈子大一塊同煎至

七分去滓空心溫服日二服

紫參湯方 治便血

紫參一兩 黃芩三分 茜根 赤芍藥 阿膠

蒲黃各一兩 雞蘇葉 小薊根各三分 青竹茹

一兩

每服三錢七水一盞入生薑一片棗二枚劈碎

同煎至七分去滓食後溫服

蕪荑丸方 治下血



蕪荑仁一兩

研細用紙裏壓去油再研為末用雄豬膽為丸如梧桐子大每服九丸甘草湯下五六服連三日可斷根

金屑丸方 治便血一切血妄行

葉子雌黃不計多少入在棗內線繫定蒲煎湯用黑鉛一兩半鑄成汁傾入湯

內同煮自早至晚不住添沸湯取出研細食以盞盛飯上蒸過

以煮藥棗取肉和丸如梧桐子大每服三丸煎黑鉛湯下便血甚者三服差矣

金虎丸方 治結陰失血

黃蘗一兩去麤皮用雞子清塗炙

為末滴水丸如菉豆大溫水下七丸

蝟皮灰散方 治大便下血

蝟皮燒灰存性 黃耆 熟地黃 續斷 柏葉

地榆 白芷 黃連去鬚各等分

為散每服三錢七食前溫湯調下



皇朝聖訓

卷之七

三

燕遊堂



